

B94
223
:14

民國佛教期刊文獻集成補編

任繼愈題

第 14 卷



佛化旬刊
佛化季刊
世界佛教居士林勸募基金會特刊
佛學月報
仁智林叢刊

中國書店

第壹期

佛徒旬刊

宏長

本社啓事一 本社發行宗旨已如上述惟出版

派報處隨經處以及各公共慈善機關有願代認分銷者請向酌予折扣特此聲明

金化旬刊 第一期 啓事

漢
壹
賦

世
心
通
生

其
時

本社啓事一 同人因社會萬惡世界一如求對病發藥之方宏說法利生之願志在宣揚佛化喚醒羣迷發行本刊冀回劫運茲已於陽歷七月廿一日即陰歷六月初一日出版倘荷諸上善人提倡贊助不唯本社同人竭誠紉感且當爲一切衆生胡跪致謝矣謹啓

本社啓事二 本刊宗旨純對一般普通社會說法若上根大智劈理研宗則自有契經無勞雜誌故陳義務求明顯立言不取艱深唯同人等誓願雖宏精力有限尙求海內同志諸上善人共發婆心投助稿件無論爲理論爲紀事以及詩歌文稿但不背本刊宗旨皆所歡迎一經刊登其願領酬者並當循各報徵文之例分等報酬甲等每千字酬洋叁元乙等貳元丙等壹元紀事則分條計算甲等五角乙等三角丙等二角此爲薄助筆墨之資非敢以金錢爲市也謹啓

本社啓事三 本刊發行宗旨已如上述惟出版之始推銷不廣則收效不宏凡各埠派報處閱經處以及各公共慈善機關有願代認分銷者謹當酌予折扣藉示薄酬

其有熱心公益依善書例購以贈閱者本社當格外優待以期同善惟須先期函商并祈將報費先惠爲幸

本社同人緊要聲明。同人學識謝陋如有理論錯謬或徵引岐異者務求諸上善人賜函指教俾知更正以免自他俱誤實所企禱。

介紹良醫 柯幼喬醫士。本懷甯春喬先生之哲嗣。秉承家學卓越時流自民國初年隨春喬先生來自皖江臨症施治着手成春固已遐邇知名婦孺信仰矣去歲同人等移居滬上凡遇家人輩疑難之症一經先生診視探荒爪羈無不霍然是真善讀父書爲不愧今世國工矣同人等媿無以報謹爲介紹於抱恙之家慎勿失之交臂也先生現住北泥城橋鴻福里一街并告

王仰仙 同啓
胡宗澄

仁泰樹木行廣告○本行開設滬上薛家浜北塊（即豐記碼頭附近）已歷五十餘年專售暹羅呢銀杏板銅鈔鐵鈔香樟据木栗木及一切什木等類貨真價實公道無欺如蒙 賜顧無任歡迎

祝詞一（謹依收到先後爲序）

七十二魔王

臨凡降浩劫

萬惡今到頭

片言難比洽

全仗彌陀願

現身來說法

佛說非世界

卽是宇宙間

人能感天化

心神壯于甲

旋乾以轉坤

是在宣善業

祝詞二

闍衆浮生

剛強性獨

業重障深

難調難伏

降及今茲

劫波不復

世成五濁

病在三毒

嗟彼愚迷

昏昏逐逐

救之藥之

言我所欲

姚江魯指南合十恭頌

如生公舌

如長沙哭

一紙風行

不疾而速

常熟吳仲孚謹頌

祝詞三

救世發悲願

一心行等慈

隨宜爲說法

方便取權詞

佛化從口宣

允爲濁世師

祛迷破邪網

淨業在於斯

合肥李伯康謹祝

祝詞四

運廣長舌

說出世法

慈願悲心

薩婆悉達

江甯陳壽祺合十恭頌



發刊詞

休留

或問佛化報何爲而作乎。休留居士曰。吾將以對治人心之過惡而期爲開覺祛迷之一助也。曷言之。吾國今日政治之秩序混亂極矣。人羣之道德墮落極矣。文武官吏既惟恐國家之不亂不窮。市井人民更惟恐廉恥之不喪不盡。是此種穢濁之現相。苟求其故。何莫非唯心之所造哉。蓋改革以前。無論在朝在野。人人心中尙懷懍於政府之威信。法律之制裁。與夫名教之莊嚴。故猶能上下相維。而不敢過肆。迨改革以後。則推倒一切。潰決防維。遂使人人心中視政府如舉碁。視法律如敝屣。視名教如贅旒。惟所欲爲。毫無顧忌。舉曩時之所謂尊上心。畏法心。向善心。竟一時消滅。而不復少留。所如


火之然如泉之達者。唯此貪瞋癡心耳。夫貪瞋癡者。卽佛教所謂三毒者也。曷言乎貪毒。夫人情莫不欲貴而惡賤。欲富而惡貧。所恃爲範圍者。貴必積資以漸晉。富必積少以成多耳。今乃不然。但拚一行險傲倖之心。悍然不顧。以求貴。則强者雖身爲盜匪。亦可迫政府以招安。躍登於顯秩。雖分爲部屬。亦可藉黨援之運動。取代其長官。弱者雖無拳無勇。亦可攀援權貴。暮徒隸而朝坐堂皇。賄結要津。昨白衣而今膺紫綬。以求富。則有槍者恃其暴力。固可抄沒人產。勒索民財。以充囊橐。無槍者則侵吞公款。以自肥。捲逃巨貲而坐享。凡所以巧取豪奪。弊弄詐欺者。均莫不習與性成。轉相倣效。求之未得。則蠅營狗苟。百計不休。求之既得。則宮室車馬衣服。與夫妻妾食御之奉。必窮奢極欲。強致冥搜。以取快於己。在彼固以爲丈夫得志。分所應爲。殊不知慾壑愈盈。孽障愈重。高明之家。鬼神所瞰。無常一至。則種種享用。悉等空花。惟罪業隨身。百濯不去。阿鼻地獄。萬劫沈淪。此貪之毒害一也。曷言乎瞋毒。夫人情莫不惡弱而好強。惡敗而好勝。其實皆血氣沖動。蒙蔽本心耳。苟返躬自省。則理縮而慾餒。直壯而曲老。本屬天道之

常然。必尋讎報復。至各是其是。各非其非。雖倖勝一時。亦終歸債轍而後已。乃世人不察。日率其好勇鬥狠之劣性。以求逞於人。在下則欲霸一方。在上則欲霸一國。一經打擊。則忿恚不已。小則拚一己之命。以與敵對。大則率醜類之衆。以與敵爭。又大則怙其威勢。至動天下之兵。以洩一人之恨。前仆後繼。誓死不回。迨兩敗俱傷。則斷脰陷胸。噴臍無及。比歲中華之內亂。大率由之。故吾謂偉人怪桀。必皆爲阿脩羅。應運而生。來造此同類相殘之惡劫。夫阿脩羅。非人非鬼。雖無天之德。而有天之福。遂慣與帝釋爭衡。帝釋卽中國所謂玉皇大帝也。反掌擎雲。伸手掩日。其術亦足以震驚世界。變易冥陽。究之邪不勝正。佛咒宣持。魔力伏滅。脩羅亦徒殘肢體。自尋惱怒而已。佛敎帝釋持誦摩訶般若波羅密多一語。脩羅遂敗退不敢犯。今世之雄將。何異是此瞋之毒害二也。曷言乎癡毒。夫人類各有本元。本元悉皆明淨。自受生以來。日被無明熏習。役役於五陰。卽色受想行識。勞勞於六識。卽眼耳鼻舌身意六根。對色聲香味觸法六塵。而起之分別六識也。塵緣集合。遂使淨心盡染。智德不彰。昏昏如望火之

馬。視。幻。妄。爲。眞。常。視。虛。無。爲。實。有。視。刹。那。爲。永。久。視。苦。惱。爲。歡。娛。多。藏。爲。誨。盜。之。媒。乃。執。恪。而。不。捨。美。色。爲。伐。身。之。斧。乃。暱。愛。而。不。離。高。位。大。權。乃。疾。顯。速。禍。之。階。而。倚。爲。百。世。不。祧。之。業。如。魚。在。沼。而。不。知。旁。有。校。人。如。豕。在。關。而。不。知。側。立。屠。者。夫。生。死。安。危。之。地。無。不。知。趨。避。之。人。當。任。情。縱。慾。之。時。必。謂。其。願。趨。死。地。願。就。危。途。而。毫。無。省。察。則。彼。且。自。矜。其。慧。而。謂。覺。者。爲。愚。殊不知。迷。人。所。執。乃。利。害。校。量。之。智。非。解。脫。知。見。之。智。也。其。圓。明。覺。性。蓋。早。已。昏。沈。鋼。蔽。欲。現。而。無。由。迨。業。報。臨。身。乃。始。悟。權。數。術。計。萬。算。皆。非。雖。菩。薩。慈。悲。亦。不。能。予。以。無。畏。之。施。教。以。遠。離。之。法。矣。此。癡。之。毒。害。三。也。綜。茲。三。毒。悉。起。一。心。息。滅。之。則。世。界。可。漸。入。清。涼。滋。長。之。則。社。會。遂。有。如。熾。燄。吾。用。私。懼。著。此。旬。刊。敢。云。般。若。明。燈。導。衆。生。於。覺。岸。竊。願。澍。其。法。雨。播。佛。種。於。福。田。若。夫。大。智。上。根。研。宗。劈。理。則。十二。部。契。經。具。在。固。無。須。本。刊。之。屑。屑。小。言。也。諸。善。知。識。幸。垂。諒。焉。

記者甫脫稿。客見而問曰。報名佛化。而開宗明義。便就時事立言。得毋嫌於罵世乎。休留曰。不然。經云。除却衆生。別無佛性。又六祖云。佛本爲凡夫說。不爲佛說。苟舍去。

世間將從何說起耶。且本刊之作。爲對治社會之惡濁。譬之於醫。將欲施治。必先徵其病原。列爲脈案。然後乃立方下藥。此發刊詞意。亦猶是。又何嫌焉。客又曰。子旣謂社會之癥結。重在三毒矣。而又但舉其病名。不言及對治之法。是非徒有脈案而無方藥乎。休留曰。要哉言乎。然本刊旣發意在此。則後此立說。雖瘡口焦音率。不外對治之方矣。子其待之。



生住異滅四相說

休留

休留居士曰。世間萬物。統不外佛說四相之公例。四相者。生。住。異。滅。是也。茲先就動物中之人類言之。自受父精母血。凝結而爲胎。以至呱呱墮地。謂之曰生。旣生以後。則無

論爲短命。爲高年。必有其壽數之量。以通率衡之。殆不過數十寒暑。此數十寒暑之生。存於世。謂之爲住。既住世矣。其自幼而壯而老。則其面貌形狀。必日遷月改。而歲不同。此更變之不停。謂之曰異。形既異矣。則必由衰老而病而死。使肢體終歸毀壞。謂之曰滅。此四相。乃人類自然之輪運。無可避免者也。人既如是。則凡屬動物。概可推知。況不惟動物如此。卽再就植物言之。如一花然。自其萌芽茁長。則謂之生。自初生以至花開。花謝。如桃之壽。則不過春。荷之壽。不過夏。菊之壽。不過秋。在此時中。則謂之住。夫花雖應時而住。然自其萌生之後。而茁壯而榮。而瘁。其莖枝葉幹。容色必時易日變。而月不同。則謂之異。迨生氣已索。其形質必衰殘枯落。而歸於腐化。則謂之滅。卽耐寒之柏。不老之椿。壽或至千百數十年。然自其始生。以至氣盡質敗。相亦如是。雖駐世稍長。終未有歷壞劫而不壞者。此植物之四相也。又不唯植物如此。卽以無情無氣之定質言之。如杭州之雷峰古塔。自宋初吳越王錢俶發願始。出府庫之財。集民衆之力。以磚石土木平地而起。是塔之生。自錢俶始建。至民國十三年甲子。此塔之屹立於杭城西關者。

凡千餘年。是塔之住。此千餘年間。由建築時之莊嚴赫奕。中經風雨之剝落。及人禽之蹴踐。使逐漸以敝。是塔之異。至去年甲子之秋。而傾圮崩頽。倒地以盡。是塔之滅。此又定質物之四相也。又不唯大地以上之種種物類如此。卽推而言之。如閻浮世界。由自有地球以來。迄於今日。中間因桑田滄海。知陵谷之變遷。因極動歲差。知軌道之更易。以至將來壞劫時之換形殞質。殆莫不有生住異滅之四相存焉。且不唯閻浮如此。卽遠至虛空行星中之其他世界。所謂三千大千者。又何莫不然。特非佛眼不能見。非佛智不能知耳。（器世間之四相。謂之成住壞空。今爲充類至盡。由有情推及無情。故該括立說。義無大異。識者諒之。）故八大人覺經云：『第一覺悟。世間無常。國土危脆。四大苦空。五陰無我。生滅變異。虛僞無主。心是惡源。形爲罪藪。如是觀察。漸離生死。』又佛說四十二章經云：『觀天地念非常。觀世界念非常。觀靈覺卽菩提。如是知識。得道疾矣。』吾旣演四相之義。而後引及經文。蓋欲令諸善知識。必如是觀照。始可悟依報（吾人所居之國土。謂之依報）正報（吾人現有之身。謂之正報）一無可貪。我及

我所一無可執。唯此圓明靈覺爲我實性。（靈覺卽第八識，梵語謂之阿賴耶識，又謂之本識，猶大學之稱明德也。）乃不生不滅，不變不異之無上菩提也。世人不悟，竟妄認剎那爲永久，幻化爲眞常，而於中執愛不捨焉，不亦悞乎。

紀事六則

甲子六月杪，蕪湖女士學佛社有尼來投止。尼面麻色黑而微肥，頭頂胸門均爲香燒陷，遍體戒疤，無慮千百數。兩手十指斷其六，自言喬姓，西川人，爲發願苦修者，背負黃布袱，中貯血書金剛經，不食亦不臥，唯晝夕參坐，持誦大悲咒而已。優婆夷往拜者，以錢果洋參爲供養，尼悉以置佛前，不少染，但言曰：此物皆贗品，何取焉？衆以其言不近情，遂忽忽不加禮。尼亦逕自去，計留駐七日夕，除飲瓜水一盂外，未進一餐云。覺僧曰：此殆菩薩示現歟？不然，何施身供佛，苦行如藥王？（藥王菩薩事見法華經）且能

七日夜不食不臥也。斯豈凡夫所能哉。至其出言顛倒。殆不肯以真相示人。故逆爲此說耳。若深味其言。蓋謂世間一切假。皈依三寶者。固在心而不在物也。時覺僧方次曉垣。比至蕪則尼去已數日。詢之社中人。並謂尼來之前一夕。樓中鼓磬。曾不擊自鳴。上香時。又親見白衣大士像。瞥然示現云。

上海龍華鎮之龍華講寺。本前明勅建之叢林。實東南之巨剎。自民國初年鄭汝成鎮守滬上。以該寺爲分兵屯駐之所。前後殿宇。悉遭損壞。現住持僧元照上人。發紹隆三寶之心。募金修復。記者前游其地。見寺後藏經樓及東偏濟祖院。已差次完好。惟星宿（按六十甲子配星宿六十尊。中爲梵天帝釋。羅漢（計五百尊者）二殿。尙付缺如。且兩殿神像。又遺失不少。一時恐未易恢復也。覺僧曰。地藏本願經。校量布施功德緣品。佛告地藏菩薩云。『若未來世有諸國王。至婆羅門等。遇先佛塔寺。或至經像。毀壞破落。乃能發心修補。是國王等。或自營辦。或勸他人。乃至百千人等。布施結緣。是國王等。百千生中。常爲轉輪王身。如是他人同布施者。百千生中。常爲小國王身。更能於